

22.

In Festo S. Marie Magdalene. Ad Vesperas.

1. Lauda mater Ecclesia,
Lauda Christi clementiam,
Qui septem purgat vitia
Per septiformem gratiam.
2. Maria soror Lazari,
Quae tot commisit crimina,
Ab ipsa fauce tartari
Redit ad vite limina.
3. Post fluxe carnis scandala,
Fit ex lebeti phiala,
In vas translata glorie,
De vase contumelie.
4. Aegra currit ad medicum,
Vas ferens aromaticum,
Et a morbo multiplici,
Verbo curatur medici.
5. Surgentem cum victoria
Jesum videt ab inferis:
Prima meretur gaudia,
Que plus ardebat ceteris.
6. Uni Deo sit gloria,
Pro multiformi gratia,
Qui culpas et supplicia
Remittit et dat praemia. Amen.